

石付貞  
纂輯

續々皇朝史略  
三

昭和十一年五月  
東京府立第一高等學校  
図書印


姓	名	部	門	號
山田	隆	文	部	210-58
山田	隆	文	部	24717

T1 A1

26

A 58

圖書 和圖書 題



福岡教育大学蔵書

續續皇朝史略卷之三

陸前 磐溪大槻清崇刪定

長門 桐陰石村貞一纂輯

後西院天皇諱良仁後水尾帝第七子也母逢春門

院贈左大臣藤原隆致之女慶安元年叙親王至是

踐祚時年十八帝王譜王○十二月右大臣實晴罷○明

曆元年春正月以內大臣教輔為右大臣權大納言

公信為內大臣公信德大寺實久之子也補○備前

大饑國主池田光政發倉粟賑濟而不能遍境內也

蘇之老臣熊澤伯繼曰城議曠日民持餓死臣請走

江戶就天樹夫人哀訴之將軍家綱光政後之乃往

江戶訴夫人夫人為請遂借四萬金而還光政悉散

之境內民賴以全活云光政夫人女婚也畧○夏四

月改元明曆補任○冬十月朝鮮來聘舊章○以皇弟

穩仁為親王系圖年○十一月皇宮成天皇遷御

事○家綱剏萬福寺於山城宇治郡以明僧隱元

寺主蓋擬足利氏天龍相國諸寺也風也集弘○一

年春正月天皇即位於紫宸殿代帝○二月壬生

院崩○夏五月內大臣公信罷補任○暹羅人米長

崎上書及方物曰私聞貴國商客來我國者悉燔

之故禁貿易是皆屬虛聞我固無此事也願依舊

易家綱諭以寬永丙子例卻其貢物遣歸長崎實錄○三

月權大納言藤原經孝為內大臣補任○秋八月駿府

城番稻葉正能自殺家綱遣土條氏長驗之似為人

所殺者於是正能族正則召正能家眾推問之其老

安藤甚五謂眾曰寡君近亡愛女憂鬱喪心以至於

此言畢涕泣眾憫之獨太田資次謂正則曰彼言不

可信也正猷果狂彼不當顯言之況事涉疑似宜窮  
治近臣以決情偽也正則然之間衆曰正猷近侍誰  
與安藤善者衆以松永喜內對乃捕喜內訊鞠不服  
因以計驗問果與安藤私通以殺之也家綱執二人  
賜正則正則焚殺二人纂○冬十二月內大臣經孝  
罷以權大納言公富為內大臣補任家傳○三年春正月  
江戸大火本城延燒家綱避火於西城死者十萬  
千餘人瘞之本所牛島為建一塔名曰廻向院補錄  
家綱命有司給粥市人皆無食器主拾瓦片以受

續一覽○林道春卒年七十五道春名忠字子信號  
山平安人慶長中為駿府文學叙民部卿法印道  
少時世未有奉宗說者道春年十八始讀朱子集  
心服之遂聚徒講朱注博士清原某議曰自古共  
有勅許不得講書朝紳猶然況處士而抗顏講新說  
不可不罪家康聞之黜博士之議而稱道春為有所  
見於是道春益攻其學其作詩文揮翰如飛頃刻成  
千言嘗朝鮮信使愈秋潭發江戸前一夕寄扶桑壯  
遊百五十韻以求賡韻時妻荒川氏罹重疾道春護

視在側而夜間口和至曉稿成即馳人追及小田原

致之秋潭乃大驚其敏捷率此類先哲談○夏五月家

綱與地方百間於兩本願寺各創精舍西則八町堀

東則淺草里關東有本願寺於此○家綱經始本

城秋九月使加賀肥後諸藩助役年表○以稻葉正則

為老中○冬十二月關白左大臣信房薨年九十三

○萬治元年春正月立皇弟織仁為親王○秋七月

改元萬治○九月明鄭成功復奉書乞援兵不報近

○內大臣公富羅權大納言房輔為內大臣○冬十

二月伊勢內宮火停朝三日萬天記○閏月家綱遣石

川正次於伊勢造假官安神鏡纂畧○二年春二月明

朱之瑜歸化留長崎先是之瑜以其國祚既感欲得

海外援兵以舉義旗三求本邦而援兵不可得去至

安南時滿清既混壹四方義不食其粟至是終不復

遷後之瑜聘為水藩賓師談業○夏四月詔以家綱為

左大臣遣使就江戶拜之萬天記○六月勅作大廟紀聞

○井伊直孝卒年七十一子直澄嗣直孝歷事四世

以耆宿見重家光之薨也直孝招林道春曰為我說

古人輔幼主之道乃討論數日道春語人曰井伊氏武人不識字然至其言行往往暗合古人酒井忠勝嘗嘆曰直孝可謂柱石臣矣每有大事衆論蜂起人  
人危疑不能決獨直孝奮云天下之事極於今日矣辭氣決烈意在必死一座為之奮激遂能排難解紛者居多吾等非不以忠義自許然至善斷大事其不及速矣其見推服如此纂○秋七月家綱增大番隊士一百十四人○九月本城成家綱徙居焉定諸侯伯鹵簿八城之數舊章○冬十月左大臣教輔罷○

十一月大廟成遣王氏友大中臣兼長齋部親守寺行遷宮儀○十二月關白光平罷左大臣○是歲黑田光之築石壁於博多海中以便商舶出入長數百步三年而成○三年春正月以前右大臣實秀為左大臣前內大臣公信為右大臣○夏五月諸國大水○六月大阪雷震城樓延燒及火藥庫激發震地石壁崩壞厭死者數百人舊章○秋七月家綱遣松平信綱於大阪修理城樓萬天○冬十一月堀田正信坐喪心沒佐倉十萬石賜子正休米一萬石初正信

致書執政曰自將軍襲職已十歲輔臣失道上下巖  
弊今宜施慈惠以贍窮乏請先獻臣城邑以充其費  
乃不告而就國盖有所激也執政會議松平信綱曰  
正信喪心矣松平正之曰彼志在報國何謂喪心乎  
信綱曰否彼苟欲輸城邑唯當待命郎中何乃不告  
而就國耶抑彼名臣之子而一旦至此吾不忍絕其  
後故云云爾一座皆稱善乃使弟安吉綱之其第纂  
○是歲流兵學者山廠義矩續一覽○寬文元年春正  
月大內災弘賢帝奉神器幸昭高院法皇幸修學院

廷燒公卿第宅及佛寺民屋凡千餘區紀事○二月帝

遷御權大納言基熙第遂為行宮年代○家綱遣刑

部大輔今川範貞於京師獻御衣及白金一千枚○

三月紅毛來聘先是紅毛以正月為聘期至是以蠻

館屢罹災為緩其期以正且發長崎表○夏四月實

秀辭左大臣○改元寬文○五月內大臣房輔罷以

權大納言藤原共房代之前右大臣定好為左大臣

右大臣公信罷六月以房輔代之○秋七月權中納

言源賴房薨年五十九遺命子光國曰邦俗以殉為



禮君而無殉者稱之不君臣而不殉者稱之不臣不仁亦甚矣汝其禁之必勿有聽時家臣真木景猶山野邊義忠等皆欲殉之光國親往其家開諭再三遂止○八月家綱修東山方廣寺至七年冬畢功聞○

閏月家綱使諸藩造京師公卿第宅○會津松平正之禁家臣殉葬後水戶之禁者僅三月人以為奇纂

○九月內大臣共房罷以權大納言源廣通為內大臣○二年春正月朔天皇在微殿三節會○三月

老中松平信綱卒年六十七子輝綱嗣信綱銳敏絕人練達時務家光之薨逆徒出井正雪譜謀縱火舉

兵事覺伏誅後數年江戶大火人餘黨所為也物情恟恟信綱縱容區畫事無壅滯人心賴以安焉議

者以為不愧古之賢佐家綱嚴諸任子禁天下殉葬皆信綱之所議定也松平家譜○家綱毀方廣寺銅佛

以鑄錢文曰寬永通寶背文曰文所謂文錢也後二年新造木佛以安置焉金箔塗之其大如舊年開○

以青山宗俊為大阪城代罷輪番○夏四月家綱造

皇宮毛利黑田諸族助役○五月京師地大震行宮



二條城皆壞五條石橋崩弘賢筆記○六月諸國大水○

秋七月二品中務卿親王智忠薨子親王穩仁嗣○

酒井忠勝卒年七十六忠勝典樞機三十餘年為天

下所憑賴家光嘗欲封以駿河忠勝辭曰此東照公

菟裘之地臣不敢當後又欲封以四斐曰此武田氏

割據之地臣不敢當最後遣人諭曰卿不欲去若

使乎吾當給以鄰近之地卿其勿辭忠勝固辭曰臣

所以辭封者自有說焉自古執柄之臣祿厚則驕驕

則覆如近日本多忠政可以元矣人臣而受厚祿安

知異日之不生侈心乎臣縱然終身又保知子

孫之不招禍乎故臣之辭封非特為一身也家光嗟

歎而止酒井家譜○八月常陸下總下四土寇起侵掠郡

邑弘賢覺書○冬十一月皇宮成○行幸侍所神樂○三

年春正月左大臣定好罷以右大臣房輔代之○皇

弟親王識仁為儲嗣入新宮○天皇讓位於親王識

仁關白光平攝政帝在位八年改元者三曰明曆曰

萬治曰寬文皇太弟立是為靈元天皇

靈元天皇諱識仁後水尾帝十六子也母新廣儀院

貴子也

贈左大臣藤原基音之女也明曆四年為親王至是

受禪時年十歲仍用寬文號御王○法皇東福門院

共入見開○二月尊後西院帝為太上天皇稱新院

更稱明正帝曰本院○前內大臣經孝為右大臣廣

通辭內大臣○家綱以桺原忠次為大老武藏○令

天下禁殉死初家康極論殉之非禮諸侯往往悟其

非然承戰國之流弊因循不改水戶會津二藩僅禁

止之至是其禁始公布於天下下○夏四月行即

位禮家綱使松平直政大澤基時武家朝拜賀○秋七

月松前蝦夷地大震○八月家綱頒武家法則二十

四條其一條曰常嗜文武專義理武家亂風俗武家○以

久世廣之為戒中○九月大阪城公鳥居忠春至大

阪未入城為醫某所弑京師賈人佐野某來迎忠春

適變作乃以身蔽捍被創而死初忠春祖元忠死伏

見之難商人佐野四郎潛收其首葬之某即其子也

○冬十二月京師地震市廛皆壞表○四年春二月

經孝辭右大臣夏四月以前內大臣公富代之五月

以權大納言藤原兼晴為內大臣○秋九月從一位

光平辭攝政以左大臣房輔代之○冬十月稻葉正

則等索天下祠寺所藏延喜以降武乘校正編年集

更名曰本朝通鑑年譜○五年春正月雷震大阪天主

閣閣中舊藏一寶匣而衆力不能拯之大番隊士中

川帶刀冒火大呼上閣閣焚倒湟中後探湟得帶刀

屍屍焦爛猶懷寶匣無有損傷家綱實其奇烈如秩

千石於其子嶮○公富辭右大臣以前內大臣廣通

代之○三月廣通罷以內大臣兼兼為右大臣○夏

五月紅毛人治長崎一日失火帛經品物皆灰燼

師僅免通商○六月以權大納言藤原基熙為內大

臣○冬十月家綱捕不受不施宗宗伯若干人嚴禁其

宗年表○家綱修相模箱根鶴岡武藏六所社十二月

又修鞍馬北野豐國及新日吉祠書○以土屋數

直板倉重矩並為老中○越後地六震○源光國毀

境內淫祀三千八十八宇○是歲改絹布長二丈六

尺為一端年表○六年夏四月家綱禁諸侯騶從過馬

三匹槍七條○五月流京極高國於南部子高賴於

伊勢其餘子女皆命錮之諸藩初高國父高廣馭下

暴橫國中怨嗟及高國襲封釐革弊政撫循人民一  
國大悅既而高國意稍驕恣踈棄宿老寵信新進專  
殖貨利賦歛日重境內大困於是高廣潛謀廢高國  
立次子高勝高國知之故薄其奉養高廣不堪積憤  
上書訴之家綱因是高國獲罪沒丹後七萬五千石  
高廣窘迫匿於京師家綱遣青山幸利於丹後収其  
城地高國老臣澤間圖書迎見幸利曰寡君獲罪國  
除臣等敢不奉命但將家有法東去城如天下笑  
何臣請刳腹以致城幸賜驗從幸利曰諾馳使報之

江戶家綱命高國手書諭之圖書等乃輸城而去

○竄不受不慈僧於西北諸島以○秋七月水藩

光國毀國內新寺九百九十七宇皆破戒僧為編氓

○冬十月錮處士山鹿義矩於播磨赤穗義矩嘗著

聖教要錄駁宋儒由此獲罪謫○七年春二月遣巡

察使於諸國廉問風俗○閏月攝政房輔辭左大臣

○三月禁種烟艸於良田○夏四月以前右大臣實

晴為左大臣○秋九月盜竊伊勢外宮寶刀十月捕

而斬之○是歲造攝津多田社給下野足利學校修

造金舊章錄

○八年春二月流島原城主高力隆長於  
陸子常長於出羽初家光既平耶模賊封隆長父  
忠房於島原以其地多賊餘黨且新經兵燹也命撫  
輯農商以安反側屢賜金穀以助其費至隆長苛虐  
無恩百姓大困巡察使入其境訴者相屬隆長坐之  
失封沒島原三萬七千石錄○三月以攝政房輔仕  
關白○夏五月左大臣實晴罷○牧野親成辭所司  
代老中板倉重矩攝之○秋九月以前右大臣公信  
為左大臣○冬十一月井伊直澄為大老○是歲禁

庶人佩大刀著絹舊章錄

○九年春正月京師饑家

綱為粥於北野七本松及四條磧販之至四月而止

風也○三月紅毛來聘○先是法皇勅家綱修泉涌

寺至是成紀○夏六月蝦夷作亂松前泰廣討夷之

泰廣松前族支族也初東蝦夷有釋仙者勇力絕倫

鈔掠諸島衆夷畏服礦夫莊大夫娶其女與俱謀并

松前夷人鬼菱者歸心松前屢與釋仙戰而未逞報

之松前也一日間行至礦夫文四郎家地距釋仙居

僅三里釋仙偵而知之遣衆攻之鬼菱單身潰圍出

遂為所殺既而松前吏與商人乘船至東蝦夷釋仙  
部下殺之奪其財數人僅遁還松前主始知有變馳  
使江戸請討之家綱使麾下士松前八左往援之松  
前將蠣崎作左進入夷地釋仙聞之遣兵二千逆拒  
松前又遣佐藤權左松前儀左仁井田瀨兵等繼進  
八左亦來會與夷夾水挑戰我兵發銃二百餘斃夷  
百餘人夷多發毒矢我兵甲堅不傷夷遂敗走我兵  
濟水追擊夷據山我兵吹螺進薄之夷下山泗水遯  
逃擒其十六人權左命解縛為導夷又阻大川而陣

權左使譯官誘諭之譯官祖楊登高呼曰大將從江  
戶來矣汝等擒我在近盡及今降即降吾必為汝乞  
命汝猶欲相抗乎試射吾胸拊胷示之夷大驚解甲  
投刀以船二十艘來降八左直乘夷船擊餘黨斬釋  
仙一將而還諸將繼進釋仙懼以六七十人來降權  
左延見之曰汝罪不容死宜獻方物一千箇以贖之  
釋仙乃取雜貨一千獻之權左收八百品卻其餘曰  
是不足取乃留釋仙及魁首二十餘人婦二人於礦  
夫家以酒數斗賜之使人密報之後軍夜後軍咸至

圍之夷驚逃我兵追擊悉斬之釋仙獨端坐受刃死  
我兵燒殺莊大夫夷地悉平風也集弘賢覽○冬十

一月朔日南至設節會參議藤原定淳奉行○前左

大臣教平女房子入為女御○十一月公信辭左大

臣○十年春二月江戸火○家綱以永井尚庸為京

師所可代○夏四月以前右大臣經孝為左大臣○

○六月本朝通鑑成家綱命執政以其書示之三家

尾紀二藩皆賀盛舉獨光國披閱之至以皇朝為吳

泰伯之後大驚曰天朝自有正吏如何取海外妄說

以汚蟻皇胤且祖宗之於西土本自抗禮不相下而

今乃以附庸自處是誣祖宗也請命改定執政大敦

服舊唐書○秋八月大阪大風船舶樁梁皆壞人多

溺死本續○十一年夏四月家綱流伊達宗勝於

土佐子宗興於豐前初宗勝欲襲宗家會兄忠宗平

綱宗嗣宗勝乃與老臣原田宗輔謀使綱宗荒於名

妓而聲其過失以幽之立嬰子鶴千代宗勝恃輔立

之功跋扈日甚伊達宗重稍知其謀不軌使女弟淺

岡為乳母松前重光為近侍以陰備不虞一日淺岡

賣之與月家



見鶴千代將食心動名庖人嘗之即死宗勝心不自  
安陰使家人夜刺鶴千代亦為重光所拘國內恟恟  
逆黨神並某竊其盟書来自首宗重不馳往訴之江  
戶家綱使執政召宗重宗輔對辨於廳宗輔辭屈度  
其不允俄起挺刀斫宗重一座驚起擊殺宗輔宗輔  
老序二隼人在仙臺聞之奉其子大內藏據信夫城  
片倉山十郎使人諭大內藏曰子欲城守以抗主君  
豈謂罪人之子必見誅耶余與子父親善將營救子  
子其速出城大內藏謀之隼人隼人曰郎君勿墜彼

計中大內藏乃答使者曰如隼人言聽何使者曰子

果欲保首領何不殺隼人自降大內藏發銃殺隼人

使者聞銃聲入城以大內藏及其弟選小十郎皆誅

之家綱召鶴千代曰卿家衆暴恣一國將亂其罪不

為少矣然卿幼齡未嘗預政事故釋而不問自今卿

其親政鶴千代拜謝受命伊達家記○秋七月琉球

來聘○八月以權大納言藤原實經為內大臣○冬

十一月攝津伊丹山躑躅花及路傍諸草皆華年○

十二年春二月流處士奧平源八與平傳藏夏目外

記於伊豆大島初源八父內藏助事與平忠昌忠昌之平內藏助與族隼人會於佛寺隼人嘲罵內藏助怒而斫之隼人抽刀格鬪以救解之內藏積憤自殺忠昌子昌能逐源八而不問隼人於是傳藏外記皆致仕而去外記源八母弟而傳藏同族也二人皆欲助源八報仇隼人懼而走江戶招弟主馬於出羽源八等聞之要擊於途殺之遂赴江戶聞隼人匿麾下士戶田某第夜帥七十餘人襲之擲炬門外連呼失火奪門而入會隼人不在乃殺其半齋及左右數

人而去黎明隼人跨馬擁十餘人及傳藏盤槍逐鬪銀隼人什之衷甲不傷乃投槍相搏遂攬之隼令源八執之源八與傳藏外記投一士人家使其徒皆散去既而家綱下令大索三人詣井伊直澄第請就死直澄感其孝義具白家綱請減死因有此命直澄使兵士護送後遇赦而還直澄授之祿云纂○三月石川重之發年九十重之字丈山參河人仕德川氏大阪之後先登斬首然以其犯軍令見黜退隱於京師自號六六山人謄詩仙堂於東山一乘寺村常

弄翰墨鼓琴以自娛焉諸軒冕來訪者皆謝絕之嘗

選漢晉唐宋人詩三十六首使狩野寺信寫其像揭

之楹間其韻致如此紀聞○夏六月大臣實維嚴

以權大綱言魚輝為內大臣兼輝教輔之子也○冬

十二日保科正之卒年六十四葬會津磐梯山稱曰

土津靈神以其有功於神道也一本續○延寶元年

春三月紅毛來聘○夏四月僧隱元歸法皇聞其罹

疾詔問之賜以大光普照國師號尋沒年八十二○

五月去內火○諸厄利亞船來長青五市家綱問

之紅毛人對曰彼近娶波爾杜瓦國主之女且與南

蠻人往來其意不可測也乃却之長崎實記○老中

板倉重矩卒年五十七孫重宣嗣重矩嘗屬其居曰

咬菜又登顯職猶揭其額人問其故重矩曰吾今富

貴侈心易生不有此匾何以能自警及卒家無餘財

時人悼惜板倉○秋九月改元延寶○冬十二月以

阿部正能為老中阿部譜○二年春二月家綱置修大

內司命松平綱政助其役○夏四月畿內大水○六

月京師雨雹大如拳○畿內大水人馬多溺死○三

年春三月紅毛來聘○家綱令因備二藩鑿溝於芝  
皆辭以國用匱乏家綱怒讓之屏已○世廣之曰而  
藩既食三國寧不能鑿一溝耶然更○藩鑿西藩造  
石垣祖宗之制也而藩之辭役亦不為無謂矣若夫  
兩藩所辭而今命之他藩是辱兩藩也不如令有司  
為之家綱從之遂起新溝之役府下游士聞之往往  
蔽面遁入役夫家綱乃命以夜作其終夜執役者給  
以三日傭錢○是春京師饑餓孳相望家綱奉命賑  
之設場於北野及四條五條諸處及錢米役三

月至五月而止○秋九月皇子朝御生譜○冬十一

月大內成是夜洛西失火延燒行宮本院及縉紳第

宅六十餘宇帝奉神器幸青蓮院新宮僅得金刀從

御於便殿○十二月大老井伊直澄卒以兄直滋子

直興為嗣井伊家譜○四年春二月流長崎代官末次茂

房於隱岐先是茂房家奴潛往外國竊刀劍圖藉事

覺捕而藉其家奸賊畢露遂處流長崎實記○源光國命

儒臣悉蓄髮而編之隊伍論之曰自足利氏之衰武

人率皆不識字令僧徒掌文墨及海內既平儒者猶

承其弊風皆不蓄髮人亦以方外徒待之故林氏累世受知幕府而皆任僧官雖然學道者君臣皆儒也安得以異流待之儒者蓄髮實肪於此○夏四月所司代永井尚庸罷戶田忠昌代之○冬十月老中阿部正能罷○十二月芝新溝成○仙洞御所及東福門院大覺寺賢○五年春正月家綱遣上杉長久於京師弔災仍造宮○夏四月宮成法皇從御焉○秋七月大久保忠朝為老中○冬十一月正二位左大臣兼晴盛年三十七子輔實嗣○十二月右大臣基熙

為左大臣內大臣兼輝隆右大臣權大納言藤原經

光補內大臣○是冬忠朝獲一身兩頭龜於部內以

獻幕府

風也

○六年夏六月東福門院崩年七十二

葬泉涌寺○秋七月伊豫土佐豐前大風水○八月

尾張養濃遠江駿河大水○九月石清水修放生會

是典廢者數百年於是再興之而後每年修之續一覽

○七年夏四月老中上屋數直卒年七十二子政直

嗣○六月老中久世廣之卒年七十一子重之嗣○

秋七月以土井利房堀田正俊並為老中○八年春

三月本願寺主建一寺於江戸築地表年○夏五月家

綱疾酒井忠清建議援鎌倉故事欲迎親王於京師

為嗣有司莫敢可否獨堀田正俊爭之甚力議乃止

執政更謀之三藩光國請立綱吉家綱乃立為嗣綱

吉家綱弟也即日叙從二位任權大納言既而家綱

薨年四十葬寬永寺謚曰嚴有院○六月勅贈家綱

正一位大政大臣○綱吉設法會於增上寺令內藤

忠勝掌其事忠勝殺永井尚長於座即日賜忠勝

死先是設法會於寬永寺也尚長不禮忠勝忠勝仰

之乃增上寺天適雨執政命忠勝給傘僧徒僧眾

不舉傘尚長又毀笑之會綱吉賜書諸有司尚長

遍示一座獨不示忠勝忠勝請覽之尚長不肯曰此

書不關君事也忠勝憤怒俄而尚長起忠勝亦起躡

其衣裾尚長蹶則挺刀一擊殺之衆驚起擁忠勝幽

之別室二家從士聞之將突入永井直敬諭退之衆

乃定於是綱吉賜忠勝死沒鳥羽三萬五千石以尚

長之傲慢激變也亦沒宮津七萬五千石○秋七月

綱吉徙居於本城或有議試諸侯向背者光國曰我

宗傳承既五世矣誰敢懷異圖倘有之我則為征討使并伊直興進曰先鋒之任我不敢讓他人翁州纂畧

○八月法皇崩年八十五稱後水尾院葬泉涌寺○

詔以綱吉為征夷大將軍叙正二位任內大臣○閏

月綱吉令曰民者邦之本也代官之職務察民疾苦

使無饑寒之患國豐則民易怠制之產業勿令懈惰

為長吏者用心民事勿專任小吏凡堤防橋梁以時

脩之勿令毀壞惠廟實錄○九月綱吉使并伊直興入朝

謝大拜之恩○以板倉重理為老中○冬十月綱吉

以子德松為世子續一覽○大和元年春正月綱吉遣

使諸國巡察風俗○二月召上野護國寺僧亮賢賜

之高田藥園以建精舍因呼曰護國寺以綱吉在孕

時有所禱也○老中土井利房罷○三月以阿部正

武為老中○夏五月酒井忠清卒年五十八子忠舉

嗣初忠清為家綱所親任勢焰薰熾中外四方贈遺

相屬時人呼曰下馬將軍家綱病篤議立儲嗣忠清

頗異論及綱吉立嚴大老尋致仕故世或謂忠清

憂懼自殺也綱吉亦聞而疑之欲遣使診視女督藤

實



堂高久松平定有合辭請曰流言蜚語果何所徵臣等百口保之乃止○六月綱吉召越後家臣小栗正矩萩田主馬永見長賴親聽訟遂賜正矩及子大六死流主馬長賴於八丈島初越前參議忠直既廢生二子長良長賴及一女於流所越後守光長憫永見右衛門寃死令二弟冒永見氏以妹嫁小栗正矩光長子綱賢先卒無子長良亦蚤死時人謂長賴必為世子正矩校譎多智詐言長賴當立長賴大悅傾心結附焉既而正矩赴江戸請光長立長良子萬德丸遂為世子賜名綱國參河守正矩意甚自得欲擁綱國以擅威權長賴積怒密與萩田主馬等謀欲殺正矩謀泄一國擾動遂訴之江戸經歲不決至是綱吉親聽之正矩曰臣之所為始末有私某事有券書某事令某連署老中阿部正武曰汝果忠耶何用券書用券書適足以見其奸計矣正矩不能對及詰問之詐謀盡露綱吉遂錮光長於伊豫松山綱國於備後福山松平直矩松平近榮亦皆坐正矩事屏居

翁州一本  
續一覽

○秋九月改元天和○冬十一月權大納

言藤原實起子參議公連有罪詔褫其官流之佐渡  
○介司代戶田忠昌轉老中稻葉正通代之○板倉  
重種稻葉正則嚴老中○十二月堀田正俊為大老  
○伊勢內宮災○是歲大藏經刺成初萬福寺僧通  
光欲刊藏經積募金若干會歲饑悉散之衆復募金  
歲饑又散而濟衆至是三募終能成其功云通光字  
鐵眼肥後人智慧卓越鑽研諸經不辭疲倦嘗入黃  
檗山師性瑠和尚後造瑞龍寺於大阪居焉即今鐵  
眼寺是也○二年春正月遣使伊勢奉幣於假廟虔

謝火災○二月房輔辭闕白以右大臣無輝代之○

三月天下饑惠師大雲院誓願寺法輪寺僧散米錢  
施貧民長崎崇福寺主十猷亦為湯粥以施饑民凡  
半年福濟寺主茲岳亦為之一覽本續○夏四月琉球

入貢○秋七月綱吉辟加賀儒臣木下貞幹為儒官  
貞幹京師人幼穎悟僧天海一見異焉請其父母為  
弟子貞幹不肯年十三作太平頌後光明帝見而奇  
之行徵試之會崩而止後貞幹師松永遐年學大進  
嘗從柳生宗矩遊江戶或薦之幕府多嫉妬者加賀

前田氏聞其名聘之貞幹辭曰吾師之子永三未仕

請元聘之前田氏嘉其義并聘二人至是貞幹升為

幕府學士貞幹善教人一時英才多出其門新井君

美室直清最其著者云

龍談

○八月朝鮮米聘通書引往來

○九月綱吉觀韓人馭術於櫻田調馬埭

風也集

○冬

十一月後一位左大臣光平薨年五十九無嗣無晴

子綱平繼之○十二月以皇子朝仁為親王○是歲

山崎嘉平嘉字敬義號閑齋京師人師事谷時中學

程朱之學晚就吉川惟足極神道闢奧其徒稱曰虫

加先生有川井正直者年五十學於閑齋閑齋謂之

曰入道莫如敬子不幸過時不沁讀書每事躬行敬

則可也正直照膺其語終身不怠父母沒終行三年

之喪云

紀聞

○三年春正月江戶大雨水

兼輝辭右

大臣以內六臣兼熙代之權大納言公規為內大臣

○二月綱吉令長崎奉行禁賣外國哆囉猩旃珍禽

異獸寶玩奇器等又禁婦人衣服用金線締繡及過

巧組織風也集

○立親王朝仁為皇太子右大臣無熙

傳之自上世至後龜山未嘗闕是典而後龜山傳後

小松之後不復起坊宮者十三世至是始修此禮○  
立女御房子為皇后稱曰中宮○冬十一月綱吉命  
林春常人見友元木下貞幹等考訂參河記續一覽○

貞享元年春二月改元○伊豆大島焚聲如雷灰沙  
填海為山○夏四月大阪城代太田資次卒子資直  
嗣○秋七月土屋政直為大阪城代○八月若年寄  
稻葉正休殺太老堀田正俊於城中一坐以為失心  
挺刀亂斫正休回顧微笑而死正休素與正俊親善  
及正俊恃寵專橫正休屢規諫之正俊不聽會攝津

人請浚川正休受命巡檢其役非費四萬金不成乃  
還報正俊潛召富人川村隨軒曰汝能以二萬金成  
功吾當薦汝如何隨軒喜而許諾遂往與其役正休  
聞之怒謂人曰甲斐高坂彈正忠鯁譽謬之士也獨  
恨不殺跡部長坂二奸耳將出以寶刀示左右醫藥  
戲曰以此斫人醫藥不能救也正休悅遂以其刀斬  
正俊云正俊素有權勢其死也弔者填門而正休家  
唯親戚而已獨源光國往弔焉賢覺書○冬十二月  
以權大納言藤原定誠為內大臣○保井算哲獻貞

享新曆時海內用宜明曆者殆千餘歲錯謬稍多算  
哲據元授時曆造新曆十二月綱吉推算哲為司天  
官更姓名曰澁川春海本續○二年春正月綱吉  
以日次記二百三十卷附賀正使獻之京師○二月  
後西上皇崩葬於泉涌寺○夏六月松平信之為老  
中○秋八月遣歸阿媽港人是夏阿媽港船送伊勢  
漂民十二人來長崎綱吉使奉行諭之曰汝犯我邦  
大禁來於法不可許但以送我漂民之故特放還汝  
他日若有漂民不送來可也給糧及薪水遣歸之通

考長崎

○九月所司代稻葉正通罷以大坂城代土

屋政直補之以內藤重頼為城代家譜○三年春正月

綱吉徙封大久保忠朝於相模小田原忠朝曾祖忠  
隣遭馬場忠時讒褫封寃死至是復其舊云大久保家譜

○三月定議辭內大臣以權大納言藤原家熙代之  
家熙基熙之子也○閏月雷震石見津和野火藥庫  
城櫓悉燼○秋八月定朝鮮通商之法一歲以金一  
萬八千兩為限禁買無用品○九月參河記考訂成  
更名武德大成記○冬十二月定琉球通商之法一

歲以金八千兩為限○是歲紀藩臣莖八郎試射於  
京師蓮花王院一晝夜發一萬三千五十餘箭中者  
八千一百三十三時人稱為天下第一慶長以來著  
射者皆試技於此堂標其所發數揭之堂上而如八  
郎者前後無比云紀聞○四年春正月皇太子加首服  
御○二月綱古令曰凡失蓄犬者必須搜索若有他  
家犬來必須收養之求其主以還之初綱吉喪世子  
百方求嗣不得知足院任持僧隆光說曰人之乏嗣  
皆前身多殺之報也今欲求嗣莫若禁殺生也且將

軍生歲在戌戌屬狗最宜愛狗綱吉然其言故有此  
令又傳獻生魚海錯○三月禁蓄魚鳥蓄鳥供人食  
料者皆命放之纂○帝讓位於皇太子詔關白魚輝  
攝政在位二十四年改元者三曰延寶曰天和曰貞  
享帝嘗以數百金得一名碗以示群卿群卿咸奏其  
為珍寶藤原經敬獨不悅欲入諫故稱老眼難睹奉  
御碗出殿為誤失手墜之石上御碗碎壞滿座失色  
經敬徐進御前誓首謝罪曰臣欽惟古來御器皆用  
邦產未聞以漢土故物充供御也伏願陛下勿妄費

財用以求此等物帝嘉其直言釋而不問皇太子立  
是為東山天皇

續續皇朝史畧卷之三